

GRATIS

AWE Mainta

e corant di Toko



**DESVELO DI
STATUA DI
ANNE FRANK**

Prome Minister mr. Mike Eman

Desvelo di statua di Anne Frank ta refleho di tolerancia y solidaridad



DESVELO di statua di Anne Frank den Wilhelmina Park, ta refleho di tolerancia y solidaridad, segun Prome Minister mr. Mike Eman. E mester ta un simbolo di tolerancia y solidaridad cu Gobierno kier promove bao di nos comunidad, pa demostra na mundo cu Aruba, cu tur su comunidad residencia na nos suelo, pa percura pa nunca mas ripiti loke cu a pasa na momento cu pais y pueblonan a bira intolerante.

Pesey e suelo di Parke Wilhelmina ta bira e suelo di tolerancia y Fundacion Respeta Bida pa haci nos mas consciente pa amor propio. Aruba a demostra di a recibi hendenan di tur parti di mundo y a integra nan como cuidadanonan di

e pueblo aki.

P'e ocasion aki tabata presente, Martin Luther King III, yiu homber mayor di e gran Martin Luther King, kende a bringa pa derechonan civil na Merca. Martin Luther King III ta un invitado personal di Prome Minister mr. Mike Eman.

Otro personahenan invita y tabata presente, te Rabbi Awraham Soetendorp di mas grandi na Hulanda, un autoridad spiritual reconoci y ex-Director di Anne Frank Huis na Amsterdam, mr. Hans Westra, pa ta testigo di desvelo di e statua di Anne Frank na Aruba.

E escultor Joep Coppes a duna splicacion breve di su trabao. E tabata un atardi masha yamativo.

